

中國方志叢書·華中地方·第三三九號

據

明·祝瑋修，蔡元偉纂
明嘉靖二十一年修，民國十五年鉛印本

影印

湖北省

羅田縣志

(全)

成文出版社有限公司印行



10098287

K29

H819

3339

9041/11

中華民國六十四年 月壹一版

羅田縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

丙寅秋月青垞校印

於武昌竹齋

潛江甘鵬亨書

重刻嘉靖羅
田縣志八卷
附錄一卷

重刊嘉靖羅田縣志序

寶沅之長羅田也爲日至淺又當兵匪倂擾之世奚暇而爲表章文獻計今通獲取明志賴本重予覆墨是何故哉其先蓋有啟予者在也憶癸亥初秋奉檄長縣在會城與鄉人士相見頗有期予爲脩纂方志之謀者予心知今日非修文之時雖在本縣之志具有資料並主此事亦有人然而默察舉世之人心風習往而不返凡屬舉縣名雖美而實則非徒供一時擾亂掠奪之資藉是以徘徊審顧憚於一發卽發亦必至不可收拾而止近十許年來所見皆如是也不然生平微尙所在顧獨何心臨流返駕漠然無所動於中也哉惟是垂老而結習未忘儻竟無鴻書之留遺此心終無以自釋於時王青蛇學部方以所得明代祝侯翔倡修之志相視並爲縷述得此書之報與其在今日胸有放佚之危始欣欣然喜曰是可重印以餉縣人士而少補余此言未及修復文獻之憾也蓋嘗取而繹之珍卿縣侯爲章文弟予已嘗列萬季世儒林宗派文苑諸志以垂要名天下爰即據爲提要並於去任時付之閭

學魁顧蔡敦諭元儒偉輩其成教諭亦張清恪道南原委中人也惟是時修志風尚
相率以墨守功令惟景泰中頒行之寰宇通志爲歸卽本志凡例所稱大明一統志
之原名也其間喬一宗之言如康對山之志武功韓五泉之志朝邑更以仿漢書中
記風動一世於是斯志及章志固不在此範圍中此珍卿松莊修書淵源之
而彼兩君子者生承平明備之會以講學之儒又得共事一方相與修明廢隆別幽
以照後世在今日猶動人流連慨慕而况於身親其樂者乎此又當日遭逢之
者若其取材之過嚴審度之未精要自無庸爲諱良由當時官師已士藏書絕少
庫所謂網羅羣衆經緯四部者均無暇措意特因時因地卽張玉泉師弟所零拾者
整理之而明代講學之家復無清代史家考訂鑒別之雅尙故雖經歷次官紳之手
而陳芝麓趙南濱者流率文士而非史才故其譌缺觸目孔多要其成書之矜慎內
就隱括外雖燕濫則迥非清代幾次縣書所及若取以訂補後來四次之志其益尤
非淺鮮且其書自天一閣收藏孤本外內更無第二副鈔而羅田明代先達遺著

祇萬仙通方書與此編能逃於兵革星火之外所謂中流失船一索千金者非歟然則此邦之士夫及官斯土者可膜視委棄而不思鄭重表裏也乎寶沅老矣自審無可藉以結緣此邦學者特割廉二十萬錢浼青坨爲校印以永餉今後同志諸君青坨以癸卯第三人出余房平日談藝論心相視莫逆其近歲校書都門與文郎仲立發國家圖書館祕冊所得於茲方墜沈之文獻常以相示蔚成大觀今春又聞其舉仲立未成遺稿爲視志訂補十六卷余可斷其爲方志不朽盛業能發乾嘉諸老屨齒未到之瓊觀惜乎逢時不祥挾可爲之具當不可爲之時僅得相與重嘘古人已燼之燄而仲立早世抱未抒此次又嗇於資不克取訂補同時付前僅得取仲立臨沒之夏手輯本志附錄一卷鐫之是又寶沅臨穎躊躇而未能已已者爾乙丑首夏從化李寶沅

羅田縣圖志序

羅田荆楚之隩區而黃州之隸邑也其衣桑麻其食穀粟肉蔬無魚鹽市舶通商之利故其俗勤生而力本無金玉貨貝綺縠錦珍禽怪獸名花異材之產故其俗質約而隘無車馬絡繹將迎供億之擾故其俗惜費而憚役無百工衆技紛華盛麗之飾故其俗專一習業而不遷珣之始至也甚宜之以爲易治旣而迎

日輩見民數之寡弱遇大饑見杆軸之空竭隨逢巨寇見武備之疎虞輒歎曰亦凋弊創殘之地也可無惕乎乃於經理之暇不敢荒寧咨詢典故欲深究其殘弊之源而潛圖所以培養封植之策皆漫無所徵蓋爲之嚮絕而太息旣乃得一志稿於蔡生唯忠脫畧憲裂條次混亂問之謂張玉泉諸名公相繼受周忠州勞崇德之託而筆削者也猶幸其綱要之所在未甚至磨滅得以緣舊而增新嗣是而莫之繼世遠人亡文獻不幾於泯乎爰禮羅外史楊君鸞洪君炯以董其事暨張生溶蔡生唯忠唯孝以專其勞搜羅覲縷摺摭融液越五旬宏綱細目草創略具頃

之楊君遷蔡君元偉繼至未幾珣亦濫膺行取之

命乃執簡授蔡君使踵志而纂成焉惜不及見其梓行而舟已先登矣然追思不佞之所以不甚負於羅之民與民之所以獲安於殘弊之餘如危石衝流之不至於崩摧而潰決者則茲志之助與爲多焉嗚呼志之成於羅者若是其遲且難而其裨於政者又若是其明且易也後之人按圖觀風昭如指掌卽其類而求焉蚤夜以思之思通而行之其於報政之速也何至如珣之樸鈍連蹇攸攸恤恤而僅得之者哉因僭識之以遺來者

嘉靖壬寅夏四月念五日

文林郎知羅田縣事蘭江前溪祝珣書

羅田縣志凡例

一羅田自有縣以來無志可徵考諸志於郡志舊藩者失之略藏於故老者失之亂雖經訂於閩之陳芝龍粵之趙南溪羅之張玉泉亦未就緒今乃得因諸公之筆而證之以藩郡之史搜羅舊聞徧訪新見分類以書其中有遺漏者俟博雅之君子補焉

一志中書法大略仿

大明一統志及屯綱大書分註使觀之者易見其顛末

一公署先縣治以下而後府館以上者由卑以達尊也且以見主客之義焉不及學者已詳學校志也

一前革行實不敢妄建但錄其所嘗見稱者附於科目之下其生存者只具校所縣之官蓋公論未定當以俟後之君子也貞烈無所於考只憑心志書忠孝義所藏則論定而書無容議矣

一 言友義不仕而不列之隱逸者友義既舉於鄉則有天下之志矣而又不仕焉固非其本情也忠義之爲節概之高今之人猶能言之噫可尙哉

一 王氏不嫁廢夫婦之倫也而附之貞烈者末世教衰淫風莫禁有如王氏雖賢者之過而亦人之所異也故附書之

一 藝文有志他志皆大書於後今只分註於各類之下而藝文只標其端者所以便觀覽也其間工拙不同皆詳載者以有關風教或係名公筆跡故不敢遺然其所刪去亦多矣

一 清軍非羅田講武之事而列之脩武者軍以衛民國家之武備孰大焉而且自羅田以充之不附之脩武將何居乎此有志於天下爲公之意也


一 脩武志民兵畧而軍政詳者蓋民兵借力於農更代不一但以時練之足矣軍政則清勾之擾吏書之弊有不可勝言者故特詳焉

一 災異有志而祥瑞僅附焉者春秋記災異不書祥瑞其意微矣况所載乃瑞之

末者可特志乎然則曷不去之傳習已久不以自我而廢也

一百神祠以下不附於廟祀而別之雜志者所以崇中正黜奇袤也東嶽非淫祠而亦別之何也非羅邑之所宜專也

一志之例大抵諱惡而彰善稽實而闕疑詳沒而畧存防諛而去誣



羅田縣志目錄

卷之一

地理志

星土

建置

疆域

附

形勝

山川

城郭

坊鄉

市鎮

風俗

橋渡

塘堰

卷之二

食貨志

土田

物產

戶口

貢賦

附

役法

附

卷之三

官師志

職制

歷官

名宦

公署志

署舍 舖舍

卷之四

學校志

儒學 社學

人物志

科貢 薦辟 忠臣 節士 孝子 義士 貞烈 恩封 流寓

卷之五

惠政志

預備倉 養濟院 惠民藥局 義塚

附官渡

祀典志

廟祠 壇壝

卷之六

藝文志

詩 賦 記 銘 祭文

脩武志

民兵 軍政 關寨 鄉堡

巡警冷鋪附

卷之七

災異志

水旱 盜賊

祥瑞附

卷之八

雜志

古蹟 坵墓 寺觀 祠宇 亭閣 仙釋

按志之首地理何也非地則志莫之肇以作也緣地以起志故地理爲先財者土之所鍾而賦役胥原之以出也故食貨次之財萃而無統則爭故受之以官